

75



Q U Æ S T I O M E D I C A .

QUOD LIBETARIIS DISPUTATIONIBUS
manè discutienda in Scholis Medicorum
die Jovis 29. Januarii.

M. CAROLO DE LAVAL, Doctore
Medico, Præsïde.

An febres omnes à flatibus ?

I.

QUI fecit ventis pondus, & aquas appendit in mensura, hominum vitam felici conditione beasset, si qua lege nascuntur, eadem voluisset occumbere: ac velut una dies præfinita omnes ad lucem evexit; sic mors per morbos perpetrata, incautorum vora sæpius non antevertisset. Quod variæ ætates, lento moliuntur, id rapido die morbus exaggerat. Morborum nullus, aut frequentius, aut pertinacius homines de medio tollit, quam febris; quæ illis Præficus inclementior nullos non comitatur ad tumulum. Morbum omnem febrem esse nescimus; hanc comitem habere fatemur. Quod febres frigidas alii observari obstrepunt, habet latentis captionis insidias; quia nomine similitudinis coloratur. Solus calor extra naturæ cancellos auctus, in corde accensus, ab eoque quasi profugus, febris speciem solvit: seu in partem principem, seu in corpus universum propagatur, liquidæ instar flammæ sese expandentis, viresque progressu dilarantis, quæ multiplici aut fumi calentis aut maligni aspergine, animi & corporis actiones præpedit. Cujuscumque caloris sobolem febrem ne putes, nisi quem exceperit morbosus in corpore

apparatus, cujus varia supellex,² variis caloris renoribus tot februm typos adæquabit.

II.

IGNIS, quo sæpius ars, plerumque natura carere non potest; vel naturæ vel artis est, ambo maxime dissentiuut. Ignis naturæ aut universalis, aut individuus; ille omnem universi molem circumdat, penetratque, implicatas naturæ vires explicat, arcana secretiora aperit, à sole velut à fonte dissilit qui tanquam cor universi, calorem vivificum in omnes mundi partes effundit. Individuus naturæ ignis, viventi cuique innatus, ipse est calor natus, ab universali emanans, omnia in corpore, proportionem quadam, quæ sol in mundo operatur: at qui artis est, à putredine quamvis immunis, omnia ad dissolutionem sollicitat, omni generationi adversatur, attamen, nec eminus nec cominus quid non præstat utenti? præcipuæ illius vires acrius emicant in flamma, quæ est fumus accensus, in qua fluit lucet ardetque: Hunc inter & calorem nostrum multiplex est similitudo, uterque motibus contrariis sese tuetur, & vivit, aëre officiosam operam præbente; uterque hæret in materia pingui oleosa; uterque alimenti penuria marcescit, copia opprimitur, transpirationis defectu suffocatur; atque ut ignem, vel levi flatu aër si ventilet, flammam dabit; sic calorem nostrum si quid irritaverit, febrem accendet mortis vicariam. Non solus homo ignis furori objicitur; quidquid attingit prædo ille, statim depascitur, mundi & naturæ exitio destinatus.

III.

SPIRITUS, cujus virtuti paupertas semper obstat, numquam nocet abundantia, substantia tenuissima subtilissima, caloris nativi cum humido primigenio connubium, (cujus divortium morbo tentatum sola morte perfectum est) fovet & incubat. Sapientiæ tanquam ille particeps suo se includit officio, ut ubique præsens suscipiat opus & absolvat, augeat absolutum, ac vim speciei propagatricem cuique impertiat; non ne omnia videretur intelligere, tam præsentia quam futura? in animantibus ut proprio instrumento, calore utitur, quem ad diuturnitatem pingui pabulo alligat, cujus jactura, nulla victima expianda, tardius promovetur, quo blandior & minus vorax calor fuerit; illius integritatem tuetur respiratio, cum aëris libera reciprocatione spirituum triplicem ordinem opportune recreat, quorum alter ab

altero ut facili negotio, sic ex puriore sanguinis parte alteruter
 cuditur difficiliore: at majori arte omnes ex libero aere refocil-
 lantur, ex quo flatuoso & impuro inficiuntur, turbantur, urgen-
 tur, incenduntur. Spiritus qui stare non possunt. violento & alie-
 no motu offendi mirum est: at corpus humanum a præcipiti il-
 lorum agitatione liberalius incalescere æquum videtur, cum sint
 igneæ naturæ participes: Hinc quo eorum celerior fit distribu-
 tio eò citius totum corpus humores-ve in flammeum & febrilem
 ardorem dedunt.

IV.

SPIRITUM non raro mentitur flatus, sed quamvis, eodem
 nomine, non eadem indolis probitate insigniuntur; spiritus
 est origo virium, flatus in se causam doloris & caloris continet; &
 ut partes probe temperatæ legitimum creant spiritum, sic frau-
 dulentum parit, earumdem calor auctus, vel imminutus, vel hu-
 miditas angusto loco conclusa. Quinque vero causæ producunt
 calorem. Motus quo incalescere corpora demonstrant exercita-
 tio concitior & animi affectus vehementiores. Putredo, com-
 munis rerum omnium, etiam spirituum, interitus, in qua quæque
 conspiciuntur fieri ascititio calore fervidiora, ustio altera species
 putredinis est, utriusque discrimen partium humidarum con-
 sumptione & extractione concluditur. Vicinia vel contactus rei
 calidæ multifariam calorem communicat. Obstructio, stipatiove,
 prohibitis excrementorum effluviis. Permixtio rei calidæ ut ali-
 menti, medicamenti. Has omnes causas in spiritibus, calori sus-
 citando impares, nemo judicabit; præsertim ubi flatus commix-
 tus spiritui, quem imitatur, cum magna vi compellit, viscerum
 enim calore, insitoque motu attenuatus, tunc penitissima corpo-
 ris membra subit, exiguos meatus diducit, unitarem soluit, cum
 truci dolore & calore deurente: hinc humorum agitatio, & spi-
 rituum turba excitatur; quorum junctioe audentior, ac velut
 agmine facto crescit in Herculem, ac corpus univrsum concurit &
 humores spiritus-ve ultra modum inflammat.

V.

FEBRIMUM generationem, & omnium quibus convolvun-
 tur symptomatum ponderosam molem consideranti, a spiri-
 tibus pendere facile perspicuum erit, qui a Divino Sene aërem, ven-
 tum, flatumve-spiritum esse didicerit: quævis enim substantia exi-

4
 miis viribus prædita cum sit, oculorum tamen aciem fugit, spiritus nomine gaudet. Tanta necessitate flatuum copia in nobis cumulatur, quanta cibis, & aër ad vitam desiderantur. Multitudo quippe halituosi spiritus ex cibo & potu, humore pituitoso aut melancholico ab imbecillo calore excitus, flatus est; ad cuius generationem duo necessario corpora nostra præparant; victus ratio & aëris constitutio. Quæ si qualitate frigida, calida, vel copiâ ultra modum peccent: multum & inutilem humorem flatuum, caloremque nativum opprimunt; unde cruditas flatuum, vel magna vis, qui cursu liberiori, vel calore ascititio aut proprio everberati & accensi, qua data porta universum corpus impetunt, ac quâ libertatis gratiam non reperiunt, tremorem, horrorem, rigorem incutiunt, oscitationes, pandiculationes excitant, animi inquietudines, corporis jactationes invehunt, & ad omnes figuras hyperbolicas ægrotos adigunt, dolorem denique & calorem naturæ infensum ac febrilem quocumque important. Hoc fatum est spirituum, qui tam ad proletaria naturæ opera lædenda, flatibus, quam ad obeunda ipsa natura impulsu proximæ ac' repentinæ eorum causæ fiunt.

Ergo febres omnes à flatibus.

Domini Doctores disputaturi.

M. Antonius de Saint-Yon, Regis Medicus ordinarius.	M. Ludovicus Gayant, Regis Medicus ordinarius.	M. Nicolaus Lienard, Doctor.
M. Claudius de Quanten.	M. Franciscus Vezou.	M. Philippus Doute, Scholarum Professor.
M. Joannes Robert.	M. Claudius Puyton, Scholarum Professor.	M. Nicolaus Morin.

Proponerat Parisiis MICHAEL DE HODENCQ Poxianus.
 Ambianensis, Baccalaureus Medicus. A. R. S. H. 1682.

Apud Franciscum Muguet, Regis & Facultatis Medicinæ
 Typographum.